

Հ Ա Շ Վ Ե Տ Վ ՈՒ Թ Յ ՈՒ Ն

2021թ. նոյեմբերի 24-27-ը կատարած գործուղման արդյունքների մասին

1. Անունը, ազգանունը՝

Գագիկ Մկրտչյան

2. Զբաղեցրած պաշտոնը՝

ՀՀ էկոնոմիկայի նախարարի խորհրդական

3. Գործուղման վայրը և ժամկետները՝

Ղրղզստանի Հանրապետություն (Բիշկեք) 2021թ. նոյեմբերի 24-27-ը

4. Հրավիրող կողմը՝

Եվրասիական տնտեսական հանձնաժողով

5. Գործուղման նպատակը՝

Տեսչական այց՝ «Եվրասիական տնտեսական միության շրջանակներում թանկարժեք մետաղների և թանկարժեք քարերի հետ գործառնությունների իրականացման առանձնահատկությունների մասին» համաձայնագրի 13-րդ հոդվածի 3-րդ կետի համաձայն Ղրղզստանի Հանրապետության կողմից համաձայնագրի դրույթների կատարման ընթացքի ուսումնասիրության նպատակով:

6. Քննարկված թեմաները՝

«Եվրասիական տնտեսական միության շրջանակներում թանկարժեք մետաղների և թանկարժեք քարերի հետ գործառնությունների իրականացման առանձնահատկությունների մասին» համաձայնագրի 3-րդ հավելվածով սահմանված պարտադիր պահանջների դրույթներին Ղրղզստանի Հանրապետությունում գործող օրենսդրության համապատասխանությունը, գործնականում ոսկերչական իրերի հարգորոշման և հարգադրոշման աշխատանքների իրականացումը:

7. Հանդիպումները, ելույթները, բարձրացված կամ քննարկված հարցերը՝

Տեսչական այցի ընթացքում քննարկում տեղի է ունեցել Ղրղզստանի Հանրապետության ֆինանսների նախարարության թանկարժեք մետաղների դեպարտամենտում, որին մասնակցել է Ղրղզստանի Հանրապետության ֆինանսների նախարարի տեղակալ Ռուսլան Տատիկովը: Այց է կատարվել ֆինանսների նախարարության թանկարժեք մետաղների հարգորոշման և հարգադրոշման լաբորատորիա, որտեղ դիտարկվել են հարգորոշման և հարգադրոշման գործընթացի իրականացման կազմակերպական և տեխնոլոգիական ասպեկտները, ղրղզական կողմը ներկայացրել է այդ գործընթացի իրականացման համար անհրաժեշտ

տեխնիկական միջոցները: Այցեր են կատարվել նաև Բիշկեքում գործող ոսկերչական խանութ-սրահներ:


Արդյունքների ամփոփման նպատակով ծավալված քննարկման ընթացքում հայկական պատվիրակությունն ընդհանուր առմամբ դրական գնահատեց Ղրղզստանի Հանրապետությունում թանկարժեք մետաղների և թանկարժեք քարերի շրջանառությանը վերաբերող գործող ազգային օրենսդրությունը, իրավական ակտերով սահմանված պահանջների ու պայմանների կատարումը, միևնույն ժամանակ մատնանշելով ոսկերչական իրերի մանրաձախ շուկայում վերահսկողության հետ կապված որոշ խնդիրներ, որոնք լուծման կարիք ունեն: Ղրղզական կողմը տեղեկացրեց, որ ներկայումս ազգային օրենսդրությունում նախաձեռնվել են վերահսկողական բնույթի որոշակի խստացումներ, որոնց կիրառումը կսկսվի հաջորդ տարվա սկզբից:

8. Հանդիպման կամ հավաքի ժամանակ ընդունված որոշումները, պայմանավորվածությունները, ստորագրված փաստաթղթերը՝

Հանդիպումների արդյունքում Ղրղզստանի Հանրապետության կողմից թանկարժեք մետաղների և թանկարժեք քարերի շրջանառության կանոնակարգմանն ուղղված ընթացիկ աշխատանքները նախնական գնահատվել են դրական:

9. Ստորագրությունը, ամսաթիվը՝

29.11.2021թ.



The block contains several handwritten signatures and stamps in blue ink. On the left, there is a large, stylized signature. To its right, there is a smaller signature. Further right, there is a stamp that appears to be a date or a reference number, possibly '10/11/2021'. The ink is a light blue color.